

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 46. stav 4. Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23 i 10/23), na prijedlog Ministarstva za privredu, Vlada Zeničko-dobojskog kantona, na 14. sjednici, održanoj dana 29.01.2024. godine, d o n o s i

ZAKLJUČAK

o usvajanju Izvještaja o realizaciji Programa utroška budžetskih sredstava od koncesija Ministarstva za privredu za period I – XII 2023. godine

I.

Usvaja se Izvještaj o realizaciji Programa utroška budžetskih sredstava od koncesija Ministarstva za privredu za period I - XII 2023. godine, na razdjelu 18, budžetska organizacija 01, potrošačka jedinica 0001, koji čini sastavni dio ovog zaključka.

II.

Zaključak stupa na snagu danom donošenja.

PREMIJER

Nezir Pivić

Broj: 02-_____/24

Datum, 29.01.2024. godine

Z e n i c a

DOSTAVLJENO:

1x Ministarstvo za privredu,

1x Ministarstvo finansija,

1x a/a.



IZVJEŠTAJ
O REALIZACIJI PROGRAMA UTROŠKA
BUDŽETSKIH SREDSTAVA OD KONCESIJA
MINISTARSTVA ZA PRIVREDU
za period I – XII 2023. godine

Zenica, januar 2024. godine

**IZVJEŠTAJ O REALIZACIJI PROGRAMA UTROŠKA
BUDŽETSKIH SREDSTAVA OD KONCESIJA
MINISTARSTVA ZA PRIVREDU
za period I – XII 2023. godine**

Izrada Programa utroška budžetskih sredstava od koncesija u 2023. godini Ministarstva za privredu propisana 42. i 46. stav 1. Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23 i 10/23).

Članom 46. stav 4. Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23 i 10/23) propisano je da nadležni organ uprave godišnje izvještava Vladu Kantona o utrošenim sredstvima po programima utroška sredstava.

Budžetom Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23 i 20/23) odobrena su finansijska sredstva u ukupnom iznosu 2.530.000,00 KM (slovima: dvamilionapetstotinatridesethiljada konvertibilnih maraka) na slijedeći način:

- ekonomski kod 615 100 (IAD002)-Kapitalni transferi drugim nivoima vlasti u iznosu 700.000,00 KM,
- ekonomski kod 613 900- Ugovorene i druge posebne usluge, odnosno subanalitika (IAD002)-Ostale ugovorene usluge- Realizacija projekata Vlade koji se finansiraju iz prihoda od koncesija u iznosu 30.000,00 KM,
- ekonomski kod 614 100- Tekući transferi drugim nivoima vlasti, odnosno subanalitika (IAD001)-Tekući transfer općinama po osnovu prihoda od koncesija u iznosu 1.800.000,00 KM.

U skladu sa navedenim Ministarstvo za privredu je donijelo Program utroška budžetskih sredstava od koncesija Ministarstva za privredu u 2023. godini koji je Vlada Kantona usvojila Zaključkom, broj: 02-11-6486/23 od 20.04.2023. godine.

U periodu od I – XII 2023. godine, po ovom Programu utrošena su sredstva u iznosu **2.563.606,37 KM** na slijedeći način:

- 1) Za sufinansiranje troškova organizacije i izgradnje poslovnih zona na području Zeničko-dobojskog kantona, odnosno sufinansiranja troška opremanja zemljišta komunalnom infrastrukturom unutar poslovne zone, planirana su sredstva u ukupnom iznosu 700.000,00 KM, a utrošena u ukupnom iznosu **700.000,00 KM**, kako slijedi:

R.br.	OPĆINA/GRAD	POSLOVNA ZONA	IZNOS ODOBRENIH SREDSTAVA /KM/
1	Tešanj	Poslovna zona "Bukva-Vila"	100.000,00
2	Zavidovići	Poslovna zona "Ekonomija-Batvice"	90.042,55
3	Žepče	Poslovna zona "Radovlje"	98.815,75
4	Kakanj	Poslovna zona "Vrtilište"	36.252,80
5	Maglaj	Poslovna zona "Liješnica"	100.000,00
6	Visoko	Poslovna zona "Ozrakovići"	100.000,00
7	Olovo	Poslovna zona "Golubište-Pilana"	100.000,00

R.br.	OPĆINA/GRAD	POSLOVNA ZONA	IZNOS ODOBRENIH SREDSTAVA /KM/
8	Doboj-Jug	Poslovna zona "Mravići"	74.888,90
UKUPNO (KM)			700.000,00

2) Za provođenje postupka dodjele, nadzora i realizacije koncesionih ugovora planirana su sredstva u ukupnom iznosu 30.000,00 KM, a utrošena su u ukupnom iznosu **16.029,57 KM** za potrebe Komisije za procjenu javnog interesa, provođenje postupka dodjele koncesije i kontrolno geodetsko snimanje.

3) Odlukom Vlade Kantona o načinu raspodjele i korištenju finansijskih sredstava prikupljenih po osnovu kontinuirane i jednokratne naknade od koncesija ("Službene novine Zeničko-dobojskog kantona", broj: 1/13 i 11/22) regulisano je da se naknade po osnovu potpisanih koncesionih ugovora raspoređuju na način da omjer 70% prikupljenih sredstava pripada jedinicama lokalne samouprave (JLS) na čijoj teritoriji se nalazi koncesiono polje, a 30% Kantonu. Navedeni omjer 70% od prikupljenih sredstava isplaćuje se JLS i evidentira na poziciji "Tekući transfer općinama po osnovu prihoda od koncesija". Za transfer JLS 70% od ukupno uplaćene koncesione naknade planirana su sredstva u ukupnom iznosu 1.800.000,00 KM.

Obzirom da se za ekonomski kod 614 100- Tekući transferi drugim nivoima vlasti, odnosno subanalitika (IAD001)-Tekući transfer općinama po osnovu prihoda od koncesija ispunio planirani iznos 1.800.000,00 KM, Vlada Kantona je na prijedlog Ministarstva za privredu donijela pet (5) Odluka o uvećanju sredstava u Budžetu Zeničko-dobojskog kantona za 2023. godinu za navedeni ekonomski kod u ukupnom iznosu 47.652,00 KM kako bi se mogao izvršiti prenos 70% od uplaćenih iznosa koncesionih naknada JLS na čijem području se nalazi koncesiono polje.

Ukupan iznos uplaćenih koncesionih naknada u 2023. godini iznosi 2.639.397,53 KM, te je stoga izvršen transfer 70% JLS u ukupnom iznosu **1.847.576,80 KM**.

Shodno navedenom, u periodu I – XII 2023. godine po ovom Programu utrošeno je ukupno **2.563.606,37 KM**.

MINISTAR

Samir Šibonjić